

无上黃籙大齋立成儀卷之二十三 竹三

三洞法師冲靖先生留月光傳  
太上執法仙士符與休

科儀門

請光分燈儀先備明燭一炬置于  
三寶前通衆列炬齊燈請

齊官上香  
齊衆法事

次法師同侍香侍燈詣道前請光

法師啓白

具法位臣某上啓

玉清上帝元始天尊上清大帝靈寶天尊太  
清大帝道德天尊東極太一救苦天尊十方  
尋聲救苦天尊大悲大慈救苦真人大慈大  
悲大慈真人靈寶五師真君臣聞四生冥昧  
不離迷途六趣昏蒙長居永夜自積無明之  
罪垢莫逢有赫之恩光是以師寶垂慈希真  
流化著廻輝降光之格演然燈懺畢之儀上  
照諸天則三晨增耀下輝九夜則庶獄停酸  
中映十方通資六趣神光普被妙用難明今  
謹有弟子某正為七親等開建  
無上黃籙大齋用資超度恭依科式敷列壇

場然點神燈開明幽暗伏乞天光下濟法澤  
旁流放九色之明輝度重泉之苦爽十方法  
界九夜冥關盡憑照燭之功俱速昇遷之願  
稽首歸依加持燈果

大聖元始天尊

大聖玉宸天尊

大聖玄元天尊

法師以符燭置手中宣廻輝神咒

九陽至清 三天道明 日月神華 星光合明

三華寶耀 混合羣品 三寶發華 慧光發神

長降飛空 下燭幽冥 慧光一照 徧徹十方

三塗罷對 五苦停輪 火山息焰 冰消雪崩

刀化玉樹 劍變森林 鐵城摧毀 魂升玉清

臣今上請 願賜開澄 日月靈妃 星光真人

一十二頁 稽首奉行 分燈散輝 照徹寒庭

法師以符燭就

三寶前請光在手宣分燈懺咒

赤明開圓 運度自然 開明三景 億劫之先

今日大慶 沉魂受鍊 重昏幽暗 永閉寒泉

欲請慧光 照破冥關 冰寒溫和 爐炭息焰

刁山劍樹 永斷孽緣 四光十方 照耀諸天  
魂消五累 業除勾連 三辰同暉 永劫元元  
開光童子 承恩上玄 三光玉女 請如斯言  
侍香侍燈各以紙燭就法師所執符燭分  
光三炬

法師分輝

一生二二生三三生萬物普照幽沉見前清

衆請為分輝

流光法界天尊

侍香侍燈分點壇上燈燭衆官各執紙燭

就法師手中分光然點壇席燈燭並今周

徧光明明徹輝映十方

衆官序立詠迴灑飛光頌

法師回向

向來然燈功德無量勝因用為幽靈遷昇淨

界永離苦暗長處光明利及十方恩露六道

為上良緣念

三清無上天尊

太一救苦天尊

十方救苦天尊不可思議功德

金鐘王磬儀 元真金鐘玉磬外都司外

次高功上香

都講宣白

伏以華林隱鶴環列天中之天丹關森羅旁  
通象外之象矧玉匪挺變河之筏而實蓋橫

若岸之舟廣度迷津齊登道果制器有象能  
事蓋陳輶稽大法之鴻儀式按冲科之妙用  
金鐘互奏玉磬交鳴四闢六通間步虛之練  
繞九和十合揚大梵之滄論神風靜默以凝  
和灑蒸飛騰而薦瑞鸞歌鳳舞虎嘯龍吟希  
聲振而三景明上徹寥陽之帝所隱韻碎而  
九陰闢下通鬱絕之神鄉巨等肅建靈壇祇  
迎寶馭仰祈肘響俯格精誠稽首歸依無極  
大道

振金鐘二十五聲

伏以九陽隱韻大音希聲象合圓極之容量  
廓太虛之度憑真寂以感聖莫玄和而聚仙  
有叩則鳴如谷答響虛凌候極丹禁之華  
堂默感璇璣著九空之雅觀至外無外知空  
不空密運玄音一新功範

宣召陽神呪

元範恢漢 九霞映空 丹靈顯著 五緯交通  
真陽激徹 韻合玄官 元始徘徊 羣仙敬從  
萬炁齊仙 隱微降衷 道生自然 與道合真

擊玉磬三十聲

伏以瑤壇躡潔玉磬琳琅六合之真宰凝神  
九野之陰靈稽首非光五廢分貯三塗警悟  
覺昏還元返本妙有之真機感妙虛玄之遠  
響合虛冥合自然作成秘範

宣召陰神呪

高上太虛 瓊宮紫房 玄壇制器 玉磬琳琅  
霞霄振舉 乾坤合張 陰生梵唱 流演元綱  
慶雲生門 昇度論亡 克感高仙 永處福鄉  
與道合真

鐘磬交振三十六聲

伏以飛虛掣翠過紫電於遙空流燁垂晶散  
幽微於玄漠雲激萬戰風諒千筆龍含虎炁  
以迎祥玉和金風而呈瑞輕綃四舉映玄壇  
粲第之間薄霧九沉引法界虛無之路九和  
二炁十合三官雨露恩霑風雲慶會

混合二炁 表陰著陽 金和動瑞 玉潤靜昌

交感上下 格于十方 寄振玄宮 環珮銜歌  
靈符所告 嚴肅壇場 秘範重宣 萬神開張  
與道合真

振金鐘九聲

擊玉磬六聲

伏以混茫始判天地殊形澄高清於九億萬  
重凝滓滯於三十六壘音通象外韻徧無方  
流八極深沉之端通五行造化之表龍蟠雲  
聚振寰海之邪蹤虎伏風平明人天之真識  
辟非之效禁壇之功莫盡讚揚故先遵奉今  
則清場初啓迎祥於太漠之卿紫範恭宣施  
澤於重陰之境金鐘清徹玉磬舍和召十方  
陽德之靈集九地陰冥之宰普臨法會共證  
齊功清衆同誠旋行讚詠

无上黃籙大齋立成儀卷之二十三